

## Poziv na simpozij "**Investiranje u obrazovanje odraslih: temelj za uspješno društvo**"

U cilju podizanja svijesti o značaju ulaganja u obrazovanje odraslih kao temelja uspješnog društva, DVV International – Ured za BiH, u saradnji sa partnerima: Centrom za edukaciju i istraživanje Nahla, Centrom za promociju civilnog društva (CPCD), organizacijom Amica Educa i Udruženjem Aldi, organizuje i poziva vas na simpozij pod nazivom "**Investiranje u obrazovanje odraslih: Temelj za uspješno društvo**", koji će se održati **13. novembra 2024. godine u Bosanskom kulturnom centru u Sarajevu.**

### **Opšti cilj simpozija:**

Simpozij je osmišljen kao katalizator za unapređenje obrazovanja odraslih, pružajući priliku ključnim akterima da razmotre trenutne izazove i mogućnosti u ovom sektoru. Događaj će poslužiti kao platforma za razmjenu iskustava, diskusiju o globalnim i evropskim praksama, te donošenje zaključaka o prioritetima razvoja obrazovanja odraslih u Bosni i Hercegovini.

### **Ključne teme simpozija:**

- Finansiranje obrazovanja odraslih u BiH i pregled stanja
- Evropska iskustva u finansiranju obrazovanja odraslih
- Nacionalni i lokalni izazovi u obrazovanju odraslih
- Saradnja i izvori podrške za daljnje planiranje i razvoj

### **Istaknuti govornik:**

Simpozij će moderirati prof. dr. Katarina Popović, stručnjakinja u oblasti obrazovanja odraslih, generalna sekretarka Međunarodnog savjeta za obrazovanje odraslih (ICAE) i profesorica na Filozofskom fakultetu Univerziteta u Beogradu.

Pozivamo sve zainteresovane da nam se pridruže u ovom jedinstvenom događaju, gdje ćemo zajednički istražiti nove perspektive u obrazovanju odraslih i postaviti temelje za uspješno društvo koje učenje i razvoj stavlja u fokus.

Rok za prijavu: molimo da svoje prisustvo potvrdite najkasnije do **11. novembra 2024. godine** putem emaila [info@dvv-international.ba](mailto:info@dvv-international.ba). Program simpozija bit će dostavljen svim prijavljenim učesnicima.

Radujemo se vašem dolasku!

